

## Waxaa laguugu baahanyahay baaritaan ku aaddan caafimaadka gobalka Stockholm

Waad salaamantahay! Waxaad horay uga qeyb qaadatay baaritaanka Hälsa Stockholm, waxaadna gacan ka geysatay aqoon korortay oo ku aaddan dhibaatooyinka caafimaad ee bulshada. Iminka wuxuu Region Stockholm sameynayaa dib u eegis ku aaddan in la fahmo sida uu caafimaadku isu beddelayay sanooyinkaan dambe iyo inti ay jirta aafada corona. Waxaan rejeyneynaa in aad rabtid in aad ra'yi baarista ka soo jawaabtid. Aqoonta baaritaanka laga helayo waxaa loogu baahanyahay si daryeelka iyo dadaallada caafimaadka bulshada loo waafajiyo baahidaada iyo baahida dadka kale. Waxa aan baranno waxaan la wadaageynaa laamaha caafimaadka, siyaasiyiinta, cilmi baarayaasha iyo dad weynaha.

### Jawaabahaagu waa muhiim

Si loo fahmo sababaha keenaya caafimaad darrada iyo sida ay taasi noo saameyneyso waxaa muhiim ah in isla hal koox oo dad ah lala socdo intii muddo ah. Ka qeyb qaadashadu maaha mar kale mid khasab ah, laakiin ka qeyb qaadashadaadu waa muhiim maxaa yeelay jawaabahaaga laguma beddelan karo jawaabo ay cid kale leedahay.

### Sidan ayaad sameyneysaa

Waxaad su'aalaha uga jawaabi kartaa bogga intarneetka ee ra'yi baarista ama waraaqaha ra'yi baarista. Dhanka midig ka dooro tilaamooyinka ee raac. Ka jawaabista ra'yi baaristu waxay qaadaneysaa 15 ilaa 30 daqiiqo. Waad ku mahadsantahay in aad ka qeyb qaadaneysid. Waxaad sameyneysaa farqi!



Cecilia Magnusson  
Madaxa hawlaha shaqada, Xarunta afooyiinka iyo dawada bulshada, Region Stockholm

Ra'yi baaristan waxaa lagu heli karaa af-Iswiidhish iyo af-Ingiriis.

Xog dheeraad ah oo ku aaddan baaritaanka iyo sida macluumaadkaaga loo ilaalinayo waxay ku jiraan bogga dambe.



### Barta intarneetka ee ra'yi baarista

Gal bogga [www.indikator.org/halsa](http://www.indikator.org/halsa)  
Ku buuxi koodka jawaabaha: *Koodku wuxuu ku yaallaa warqadda kuugu soo dhacday sanduuqa boostada ee guriga.*  
Waxaad sidoo kale kaamirada moobiilkaaga ku iskann-gareyn kartaa koodka QR-ka:  
*Koodka QR-ku wuxuu ku yaallaa warqadda kudu soo dhacday guriga.*



### Waraaqaha ra'yi baarista

Waraaqo ra'yi baaris ayaa guriga laguugu soo dirayaa ku dhawaad afar usbuuc ka dib. Soo buuxi ee noogu soo dir baqshadda jawaabaha ee la socota.

### Nala soo xiriir

Haddii aad su'aalo ka qabtid baaritaanka ama aadan rabin in aad ka qeyb qaadatid nagala soo xiriir.

E-mail: [folkhalsoenkat.siso@sll.se](mailto:folkhalsoenkat.siso@sll.se)

Telefon: 08 - 123 371 81

# Maareynta macluumaadka iyo xog qarinta

## Macluumaadka shakhsiga ah ee aan maareyneyno

Waxaan maareyneynaa jawaabaha ra'yi baarista, mararka qaarna macluumaadka tallaabaha ee app-ka Hälsometern. Si aan si buuxda sawir uga qaadan karno caafimaadka, waxaa xogta aan ururineyno lagu dhameystirayaa macluumaad ku aaddan caafimaadka iyo waxyaabaha khatarta ku keeni kara oo laga soo qaatay diiwaanka Region Stockholm, Xafiiska Dhexe ee Tirakoobka, Guddiga Qaranka ee Caafimaadka, Qasnadda Ceymiska, Arkiifiyada Qaranka, Hey'adda Waajibadka iyo Dib u Eegista, Magaalada Stockholm, Diiwaanka Tayada iyo Machadka Karolinska. Waxay macluumaadku ku saabsanyihiin qoyska, socdaalka, hoyga, aagga uu qofku degganyahay, xaaladda bulsho-dhaqaale, natiijooyinki baaritaannadi hore, caafimaadka, waqtiyadi qofka la siiyay daryeel caafimaad, dawo isticmaalidda, natiijada dhalidda, natiijada waxbarashada iyo gurmadi, iyo heerarka guuxa- iyo wasaqeynta hawada ee aagagga la xiriira hoyga. Maadaama dhaxalku uu saameyn karyo caafimaadka waxaa xitaa la soo qaadanayaa macluumaadka waaliddiinta, walaalaha iyo carruurta.

Si aan awood ugu yeelanno in aan intii waqti ah la soconno horumarka caafimaadka, waxaa laga yaabaa in aan mustaqbalka kula soo xiriirno oo aan ku weydiinno su'aalo dhameystir ah.

## Sidaan ayaa loo isticmaalayaa macluumaadka aan ururinno

Macluumaadka waxaa warbixinnada caafimaadka dadweynaha loogu lafaguri doonaa, la isuguna ururin doonaa si heer koox ahaaneed ah. Warbixinnada waxaa ay dadweynuhu ka heli karaan bogga [ces.sll.se](https://ces.sll.se), waxyaabaha la isu ururiyayna waxay ku jiraan bogga [folkhalsokollen.se](https://folkhalsokollen.se). Waxyaabaha la isu ururiyay waxaa isticmaalaya Region Stockholm iyo xaafadaha iyo degmooyinka Gobalka Stockholm, si loo qorsheeyo isbeddellada bulshada iyo daryeelka caafimaadka. Macluumaadka waxaa tirtirayaa toban sano ka dib marka ay diraaasaddu dhammaato.

Ka qeyb qaadashadaada baaritaanka ama jawaabaha aad ku bixineysid ra'yi baaristu, wax saameyn ah kuma yeelan doonaan daryeelkaaga mustaqbalka ama adeegyada aad ka heshid Region Stockholm.

## Sidan ayaa loo ilaalinayaa xogta shakhsiga ah

Marka natiijada baaritaanka la soo bandhigayo kama muuqan doonto waxa aad adigu gaar ahaan ku jiwaabtay. Waxaa lafa guridda lagu sameynayaa macluumaad maldahan, taasoo micniheedu tahay in dhammaan aqoonsiyada lagu beddeli doono nambor tixraac. Waxaan adeegsan doonaa oo keliya macluumaadka loogu baahanyahay lafa guridda markaas taagan. Macluumaadkaaga waxaa lagu ilaalinayaa sharciga xog qarinta, dhammaan dadka ka shaqeeya baaritaanka iyo macluumaadka baaritaanka ka soo baxa waxaa saaran waajib xog qarinta. Xog qarintu waxay u shaqeeyneysaa si waafaqsan xeerka bannaanyaalnimada iyo xog qarinta. Sidoo kale waxaa macluumaadkaaga loo qarinayaa si waafaqsan xeerka Midowga Yurub ee ilaalinta macluumaadka (GDPR). Waxyaabaha sharci ahaan lagu saleynayo maareynta macluumaadka shakhsiga ah

waa in ulajeeddada laga leeyahay ay tahay oo keliya mid dan bulshada u ah iyo mid lagama maarmaan u ah dano tirakoob la xiriira oo keliya.

Dhammaan xogaha xaasaasiga ah waxaa lagu keydinayaa, laguna maareynayaa oo keliya kumbuyuutarro iyo maskax kumbuyuutar oo Iswiidhan yaalla oo lagu ilaalinayo hubsasho laba tallaable ah.

Region Stockholm gudhiisa waxaa maareynta macluumaadkaaga shakhsiga ah mas'uul ka ah aagga daryeelka caafimaadka ee gobalka (SLSO). Haddii aad qabtid su'aalo ku aaddan GDPR-ta iyo sida loo ilaalinayo macluumaadkaaga shakhsiga ah ku soo dhawaw in aad la soo xiriirtid wakiilka ilaalinta macluumaadka. E-mail u dir [gdpr.sls@sl.se](mailto:gdpr.sls@sl.se)

## Macluumaad ka dalbo xogtaada shakhsiga ah

Waxaad xaq u leedahay in aad si lacag la'aan ah u heshid koobi ku aaddan macluumaadkaaga shakhsiga ah, isagoo u qaabeysan sida waxa loogu yeero wax diiwaan laga soo saaray. Codsashada wax diiwaan laga soo saaray waa in ay qoraal ahaataa, uuna soo saxiixo qofka ay khuseeyaan waxa la soo saarayo. Haddii aad u aragtid in Region Stockholm uu macluumaadkaaga shakhsiga ah u maareeyay si jebineysa xeerka xogta shakhsiga ah waxaad dalban kartaa in macluumaadka la saxo, la xannibo ama la tirtiro. Haddii aadan ku qanacsaneyn sida loo maareynayo macluumaadkaaga shakhsiga ah waxaad xaq u leedahay in aad dacwad u gudbisid Waaxda Ilaalinta Xogta Hoose ee Qofka, oo ah hey'ad korjoogteyn.

## Nagu saabsan

Waxaa baaritaanka sameyneysa Xarunta Aafooyinka iyo Dawada Bulshada (CES) oo qeyb ka ah Region Stockholm. CES waxay hawshiisu tahay in uu Stockholm dhaxdeeda gacan uga geysto in la helo caafimaad fiican oo loo simanyahay isagoo faafinaya, huruumarinayana aqoonta caafimaadka dadweynaha. Waxaan ka shaqeynaa cilmi baaris iyo horuumarinta qaabab shaqo oo cuscusub iyo qaabab lagu sii hagaajin karo daryeelka caafimaadka, korna loogu qaadi karo caafimaadka Gobalka Stockholm gudhiisa.

Ra'yi baarista waxaa maamusha shirkadda baarista ee madaxa bannaan ee Institutet för kvalitetsindikatorer (Indikator).